

*COME, YE THANKFUL PEOPLE, COME*

Dewgh, hwi bobel, kana gwreugh,  
rag an drevaz grassyans rewgh,  
peub re beu kuntellyz brav  
kynz ez doz tewedhow gwav;  
Duw a lenow gans y ro  
pub par edhomm a'gan bo,  
dewgh dhe dempla agan Duw,  
ughelgan Goeldheys yth yw.

Oll an byz dhe Dhuw yw mes,  
froeth dh'y lawa ynno rez,  
ys kehezyz gans an gwyg  
joy ha heudh keffryz a dhev;  
garrow, pennow, i a dyv,  
ys yn tien ni a gyv;  
Duw Goeldheys, dha byzi gwren  
greun yn yeghez da may fen.

Doz a wra an Arludh nev,  
doen y drevaz ganzo ev,  
y'n jydh na a'y ves dre dan  
oll peghozow kanna glan,  
ri dh'y eledh kummyaz teg  
war an tan dhe dewlel gwyg,  
mez dhe witha 'n pennow-yz  
yn y skiber ev pup-pryz.

Deus, A Arludh, deuz yn skon,  
tysk manalow par dell on,  
kuntell jy dha bobel kler,  
heb peghozow, heb ahwer;  
kowllanhyz, dha duz a vyw  
trigyz prest yn skiber Duw;  
deus gans oll dha eledh splann,  
sav dha drevaz brav yn-bann.

- English words by Henry Alford, 1844
- Translated from English into Cornish by Ken George, 1988 Nov.
- Tune: St George's, Windsor.